



UNIVERSITÄTS-  
BIBLIOTHEK  
PADERBORN

**Scientia Salvts, Sive Considerationes Piæ, Præcipuam  
Spiritualis Vitæ Materiam complectens**

**Laberhittel, Samuel**

**Ingolstadii, 1660**

161. Dominica infra Octav. Ascensionis. Quomodo orandus Deus, ut nos ex  
toto emundet.

---

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

280 *Sabbato Dom. 5. post Pascha.*  
Etum, necessarium mihi esse honestatis amo-  
rem, & desiderium. 2. Promissionis spem.  
3. Amorem illius, quem super omnia diligo.  
4. Gaudium in lege Dei. 5. Timorem amit-  
tendæ felicitatis æternæ. 6. Timorem in-  
currendæ pœnæ æternæ. 7. Fugam, quâ ad-  
versarium susurrantem relinquam, & in  
abdito Creatoris abscondar. Petam ab his  
septem emundari oratione Dominicâ.

*Conf. 3. Ut magis emunder quoad opus,*  
necessarium mihi esse. 1. Humiliare me, &  
auxilium ad vincendum exposcere, 2. Co-  
gitationes expendere, ut malæ rejiciantur,  
bonæ probentur. 3. Habere in promptu  
sententias Sanctorum cuiuslibet tentationi  
oppositas, ut Christus fecit, 4. Actione vir-  
tutis contrariæ vitio resistere. 5. Sibi tenta-  
to compati, quasi alteri. *Beatus, qui intelligit*  
*super egenum, & pauperem, &c.* 6. Providere  
de armatura in ea parte, in qua necessa-  
rium est. 7. Præcludere aditum inimicæ  
suggestioni, divertere ad alia, & quæ nos  
infestant, oblivisci. Petam hæc septem per  
Archangelos, addito Pater noster.

MEDITATIO CLXI.

Dominica infra Octav. Ascensionis,

*Quomodo orandus DEVS, ut nos*  
*ex toto emundet.*

Colloca.

**C**ollocabo me inter Principatus in executione Principes, in gubernando excellentes; ad Eph. 1. Petam ex toto emundari.

*Conf. 1.* Ut ex toto emunder necessariam mihi esse cognitionem originum omnis lapsus. 1. Est passio, & febris concupiscentiæ, non tantum in appetitu sensitivo, sed etiam rationali, juxta illud Jacobi 1. *Vnusquisque tentatur à concupiscentia sua abstractus, & illectus.* 2. Est imaginatio, quæ vivaciter representat pulchritudinem boni sensibilis. 3. Est voluntas, causa immediata omnis actus peccaminosi. 4. Est ignoratio, quæ occultat malitiam peccati. 5. Est intellectus, qui relictâ ratione legis consulit voluntati, ut bonum apparens amplectatur. 6. Est actus alterius peccati, qui oritur ex imminutione gratiæ, per quam homo peccato resistit. 7. Est habitus pravus, qui immediate inclinatur ad actum peccati; ideo orabo septem petitiones in Pater noster.

*Conf. 2.* Ut ex toto emunder necessaria mihi esse septem consilia, quæ verè conversus ad Deum explere debet. 1. Credere decem mandatis DEI, populo Christiano propositis, & velle eorum observatione DEVM sanctificare. 2. Desiderare omnes ad DEVM pertrahere, quos poterò. 3. Obedire amicis DEI, quantumcunque voluntati contraria præce-

præceperint. 4. Suscipere, & honorare Sacramenta Ecclesiæ Dei. 5. Dolere de peccatis commissis, & emendare se velle. 6. Pati in adversis, non murmurando contra iudicia DEI, non pertrahi consuetudine malorum, sed eos averfari. 7. Rogare Deum, ut perseverare valeam in amore Dei; ideo orabo Orationem Dominicam.

*Conf.* 3. Ut emunder ex toto necessarias esse has septem renuntiationes. 1. Omni peccato deliberato quantumcunque levi. 2. Renunciare sibi quoad licita, & esse indifferenter quoad munia, habitationes, personas, studia, gradus, sanitatem, solatia, vitam. 3. Renunciare amori naturali, & affectui sensibili eò venenosiori, quò minus virtuti repugnare cernitur, præsertim puritati corporis, & quieti cordis. 4. Renunciare solatijs spiritualibus, & adversa appetere, atque in ijs gaudere. 5. Renunciare propriae voluntati, causæ omnis mali, & iudicio malum omne voluntati consulere solito. 6. Renunciare occultæ voluntati propriae, atque iudicio respectu donorum cœlestium, ne plura petam, quàm sit opus, ne tam avidè ijs adhæream, quò minus paratus sim ijs carere, quæ duæ tentationes amoris proprii magnæ sunt. 7. Ita omnibus renuntiare, ut nihil rerum, nihil mei, nihil donorum DEI, nisi

*Fer. 2. Domin. infr. Oct. Ascens. 283*

nisi propter Deum velim, semper magis inclinatus ad mihi displicentia, quam grata. Juxta septem has renuntiationes formabo septem petitiones ad Principatus, ut si *Medicina est caeleste ac venerabile Sacramentum*, juxta D. Cyrillum, mihi impetrent ex hujus medicinae sumptione emundationem ex toto; dicamque Pater noster.

MEDITATIO CLXII.

*Feria 2. Domin. infra Oct. Ascens.*

*Quomodo orandus DEVS, ut nos illuminet.*

**C**ollocabo me inter Potestates bene utentes potestate in coercendis spiritibus malignis, ad Ephes. 2. Peram illuminari in **SERVITIO DEI.**

*Cons. 1. Necessariam esse Fidem: quia ab incredulis diabolus timetur ut leo, à fortibus in Fide ut vermis contemnitur, ait S. Isidorus l. 3. de sum. bono c. 5. 2. Necessaria est Spes: Cor sit in caelo, ne putrescat in terra, inquit August. in Ps. 32. 3. Necessaria est Charitas: Ibi spera, ibi ama, inde pete virtutem, ibi expecta mercedem. inquit August. serm. 8. de Verb. D. 4. Necessaria est Temperantia. 5. Justitia. 6. Prudentia. 7. Fortitudo. Ordinabo septem petitiones ad has septem virtutes.*

*Con*